

ET MENSURIS.

phoro, quod ut sola biberet, ante pedes seruabat, alterum Sextarium duceret. Vnde ostenditur haud quaquam tantæ mensuræ Sextarium fuisse, alioquin bibacissima fuisset existimanda, quæ uel duos Sextarios integro prandio sorbillaret. His igitur rationibus arbitror Isidori sententiam ueram non esse. Quid ergo censendum? ipse mensuras siue humidorum, siue arentiū, eiusdem ponderis non esse, & apud Nicandri interpretem, & apud Palæmonē legi. Quapropter, si uasculum, quod Sextarium tritici capiat, pondusq; unciarum sedecim habeat, quis aqua uel uino impleuerit, uiginti fere uncias efficiet, grauius enim est uinum seu aqua nō solum tritico, sed etiam oleo. Mel quoq; utpote grauissimum, pondere a cæteris differt, ita ut in duabus quibusq; Libris Seli bra supersit, si conferatur oliuo. Cum ergo in pondere mensuræ huiusmodi differant, arbitror ueteres in commune constituisse, ut Vnciarum quindecim esset Sextarius, ut quod uas leuissimi tritici Vncias quindecim contineret, Sextarius esset. Sic de aqua, oleo, melle, cæterisque, siue aridis siue humentibus. Nā & huius ponderis, ut infra ostendam, fuit etiam Græcorum ξέσκς, sic opinor a Sextario nostro dictus. Hæc enim uox

A iiii

Nota,
Sextarium.